

四庫全書存目叢書編纂委員會編

齊魯書社

四庫全書存目叢書

史部
第八〇冊

責任編輯：孫言誠

賀 偉

ISBN 7-5333-0535-3



2007/10

四庫全書存目叢書·史部八〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第八〇冊目次

史部·傳記類

孔子年譜綱目一卷

〔明〕夏洪基撰
北京大學圖書館藏明崇禎刻本

一

孔門弟子傳略二卷

〔明〕夏洪基撰
北京師範大學圖書館北京大學圖書館藏明崇禎刻本

四三

聖門志考畧二卷熙朝盛事一卷

〔清〕沈德喆撰
浙江圖書館藏清康熙刻本

一〇四

闕里廣誌二十卷

〔清〕宋際 宋慶長撰
上海圖書館藏清康熙十三年刻本

二一九

三遷志十二卷

〔清〕孟衍泰等撰
山西省祁縣圖書館藏清康熙六十一年刻雍正增修本

六一八

孔子年譜綱目一卷

〔明〕夏洪基撰

北京大學圖書館藏明崇禎刻本

附《四庫全書總目·孔子年譜

綱目一卷》提要

孔子年譜綱目序

旅人朗夙蒙大難室廬丘墟雖徙倚靡定而聖人而君子實不敢輟寤寐之思乙酉年來荷同門社盟姚永言先生假寓於維揚之康山草堂及丁亥之冬適秦郵問道於元開夏先生先生出所編

孔子年譜綱目教朗讀之見其因年紀事用

孔子年譜序

事符年曰正之曰仍之詳畧中欵直令數千載之下

先夫子之音容氣象儼然若生彰往闡幽盛德大業炳如也藉非先生廓潛專精博極羣書而折衷之則厖雜而無緒何堪登游夏之堂翩翩接踵而鼓吹尼山哉而朗亦啓發無從何由見

聖人於旦暮也卽先生携令嗣公幹撫孤松

狎寒梅林泉逸想瀟灑出塵要皆稟令於

先夫子出處語默咸以所譜爲法則焉誠哉

君子其人也於戲聖人君子非朗疇昔之

夜思之不得輾轉反側者乎乃一寓目焉

而素願兩獲朗之生平何幸矣是年譜一

書信迷津之寶筏而先生光裕勲猷雖欲

孔子年譜序

辭之恐不可得旅人朗非敢爲佞也

時

歲在疆圉大淵獻臘月旣望盟弟會稽陳朗

拜題於蕪園

孔子年譜綱目跋

愚初作是編謂史記雖復舛誤然孔子紀年實始於

此故取史記所次叅之左國家語以及通鑑綱目等

書惟確見其誤者正之其不可攷者仍之三易稿而

成編又思闕里一志先聖之家譜存焉於是遍覓藏

書家得假一覽已復得孔聖全書爲之叅互攷訂雖

未敢謂盡合當年行蹟然而謬誤者或寡矣但闕里

志所載年譜事旣簡略而其倫次反較諸書多舛孔

聖全書所載圖譜則更師心自用妄改舊編而歷年

孔子年譜跋

事蹟因之又雜錄羣書錯亂無紀愚恐其疑誤後學

也間摘其失之顯者辯之附著於篇惟讀者詳焉

孟冬夏洪基又識

孔子年譜武問

武問於夏子曰孔子大聖歷代有封謚焉曷爲譜其年而弗以稱也曰孔子道尊德隆自足萬古不以封謚重也且非後世一代之封謚所得專稱也曷爲歲必書甲子也曰明天道也天道明於上則人事定於下也曷爲書周某王某年也曰尊王也尊王孔子之志也曷爲復書魯某公某年也曰著宗國也著宗國則曷爲分書也曰示不敢與周齒亦尊王之義也曷爲書生於魯也曰魯父母之邦也紀其實也曷不書孔子年譜武問

魯孔子生也曰孔子天下一人非魯所得私也於魯云者天下之詞也曷爲書孔子某歲也曰史法也帝王則紀年孔子則紀歲其例一也二歲曷爲亦書也曰春秋於二百四十二年之間雖或無事必書首時而朱子綱目於舊史無事不書之年亦著某甲子某歲年所以備編年之體也今修孔子之年譜故必遵孔子之書法也爲兒嬉曷爲書也曰此禮樂之宗也入小學及志於大學曷爲書也曰孔子之聖於此乎始基也曷爲書初仕於魯也曰孔子之仕天下將待

孔子年譜武問

二

治焉初之云者小試之端也曷爲書始教也曰一日之師道立而萬世之教法行也問官問禮學琴曷爲書也曰學無常師孔子之所爲聖也適周曷不書訪樂也曰以老聃往也曷爲書齊侯來問政也曰有所以來之也且以愧本國之君大夫也曷爲書適齊也曰魯亂也無君之國不能一朝居也曷爲書修詩書禮樂也曰六經之道日星炳而江河流刪定之功所爲大也公山佛肸之召曷爲書也曰此用行之機也孔子之聖無可無不可也仕魯曷爲屢書也曰幸之也幸大行之有兆也曷不書魯用之也曰孔子之仕實孔子之能用魯非魯之能用孔子也相夾谷曷爲書也曰文經武緯所爲折衝於樽俎也墮三都曷爲書使也曰強公弱私雖仲由之謀實孔子之願也誅少正卯曷爲書也曰政刑之大者也適衛曷爲特書去魯也曰以仕魯也仕於魯而不終仕於魯使大行之作用不獲竟故爲魯惜也且以罪其君大夫也然則曷不書受女樂也曰孔子以微罪行也歷聘曷爲書也曰皇皇道路靡邦可依道之窮也畏匡扶樹厄

陳蔡曷爲書也曰道大莫容明夷而艱貞也居魯則不書在而居他國曷爲必書在也曰魯父母之邦也他國則非父母之邦也且其在齊也以失君其在陳衛諸國也以失位皆不得已而去者也春秋書公在乾侯綱目書帝在房州類也曷爲書楚子來聘也曰道不行於諸夏而求之夷末之之極思也曷爲書反魯也曰魯召之也魯召之則曷爲不書也曰非君大夫之誠也反魯曷爲書問政也曰幣召以歸而不能用僅一諮訪焉猶無召也敘書記禮刪詩正樂讚易

儒者誦法孔子童而習之白首不渝其一生德業文章功名富貴皆從此出乃或問以孔子事跡則纒纒言之者十無四五也更問以某歲有某事某事在某歲則愕眙而相對已矣雖然孔子行事散見於論語家語左國子史諸書紛綸錯雜未有統紀其不知也固宜遷史孔子世家稍能綜輯而考證或疎疑誤滋甚嗣後雖另有編次大抵皆沿史舛而亦或舛於史求其條貫井井使尼父生平瞭如指掌則空谷足音也愚甚歎焉鉛槧之暇取諸書研味參訂僭擬紫陽修史例彙次成帙名曰孔子年譜綱目匪敢自附於闕里功臣蓋欲使誦法孔子者假此爲津梁耳孟子曰頌其詩讀其書不知其人可乎是以論其世也此幾幾之意也但憾採擇多遺鑒裁無當則指其謬而刪定之所望於後之君子

時

皇明崇禎甲申歲春王正月後學高郵夏洪基謹識

孔子年譜凡例

書名年譜義取編年故某年某事必詳攷而辨訂之
其有疑者則仍以疑傳焉不敢臆決也

項格大書者爲綱其詞簡要皆先聖學教出處大關
鍵餘不得備書猶春秋之經也其義則於或問發
之讓格書者爲目其詞詳核所以述綱之事猶春
秋之傳也若綱不書而目載者亦猶春秋無經之
傳也

先聖事蹟散見諸書互有同異今酌取一本馴雅完
孔子年譜凡例

贈者錄之其或雜輯諸書彙次成篇則稍用已意
櫟括竄易字句以竊比涑水纂通鑑之例

是編專述先聖履歷凡平居講論問答之語不開行
事莫攷歲年者不錄

事有雜出者逸去則虞漏並錄則虞冗今各以次分
註於下以便覽其誕妄不經者畧之

闕里志不備載弟子姓名而問書某年某弟子生蓋
從家語推之也然家語七十子強半無攷且首敘
顏回年歲已誤其他可知而史記所紀更復參差

不合茲悉不錄

先聖一言一行不厭詳盡其他事附見者則節錄元
文畧者顛末以備攷不敢泛述

諸書所載有事詞迥異者亦因類分註以備參攷而
或附以辨論之詞

采輯諸書或直錄元文或參合衆本不便標出某書
其分註標某書者則事詞之異者也

諸儒論斷之語間採其精確者以備論世知人之意
其愚見偶及亦竊附焉

孔子年譜凡例

孔子年譜綱目

後學高郵夏洪基編輯

庚戌周靈王二十一年 魯襄公二十二年 十月庚子孔子

生於魯基按公羊傳孔子生於十一月庚子諸書多同
庚子想公羊緣孔子姪十一月而生故誤耳穀梁傳書
於十月不知孔子家語因之其紀近是或又云是二十
一日不知也春秋經傳推之則庚子當是十月二十七
其說正同蓋以自信乃五行書又謂孔子生於庚戌二
月二十三子唐子斯亦不足辯也已

孔子之先宋之後也微子啓帝乙之元子紂之庶兄
孔子年譜綱目

以圻內諸侯入爲王卿士武王克殷封紂子武庚於
朝歌使奉湯祀武王崩而與管蔡霍三叔作難周公
相成王討誅之乃命微子代殷後國於宋微子卒其
弟曰仲思名衍或名泄一嗣微之後號微仲生宋公
稽稽生丁公申生緡公共及襄公熙史記作熙生
弗父何及厲公方祀基按家語弗父何與厲公皆襄
公爲緡公子當必有誤何遜國於弟厲公自後世
爲宋卿何生宋父周周生世父勝勝生正考父考父
生孔父嘉五世親盡別爲公族故後以孔爲氏焉一

曰孔父者生時所賜姓也宜聖世紀曰春秋時有三

也衛有孔達傳孔開孔悝非姬姓亦非子姓蓋孔父
姓同而族異也獨子姓孔氏爲夫子之族云

生木金父木金父一云子金父生畢夷一云畢夷生防叔避

華氏之禍而奔魯遂爲魯人家語註曰按左傳桓公

父督見孔父嘉之妻美欲奪之遂殺孔父嘉而取其
妻何孟春謂杜預稱孔父嘉爲孔子六世祖此云至

防叔始奔魯去華督殺孔父嘉爲孔子六世祖此云至
按宋世家華督弑逆爲殤公十年而莊公立十九年

至殤公十一年宋卿逆爲殤公十年而莊公立十九年
子與萬黨爭弑立國亂疑孔父嘉之禍也○基按此論甚核

年非卽殤公末年孔父嘉之禍也○基按此論甚核
但不避於華督殺孔父嘉之禍也○基按此論甚核

督之日似有可疑再致闕里世或云嘉爲華督所殺
其子奔魯始爲厥人路史亦云孔父嘉之難子木金

孔子年譜綱目

父通於魯其說近防叔生伯夏伯夏生叔梁紇紇爲
是附記之於此

阪邑大夫以勇力聞於諸侯襄公十年晉伐偃陽偃

焉懸門發厥人紇娶魯施氏有九女而無子其妾生
挾之以出門者

孟皮字伯皮一有足疾不任祀事乃求婚於顏氏顏

氏有三女其父問曰阪大夫雖父祖爲士實先聖王

之裔今其人身長十尺武力絕倫吾甚貪之雖年長

性嚴不足爲疑三子就能爲之妻二女莫對其幼微

在進曰從父所制將何問焉父曰卽爾能矣遂以妻

之史記曰紇與顏氏女野合而生孔子○註云蓋謂

不合禮儀。○基按家語明言微在從父所制。既微見其非不合禮儀。審矣。遂既誣妄而証復爲之飾說。罪也。路史反以微在既往廟見以夫之年大懼不時家語爲妄。何耶。

有男而私禱尼丘之山以祈焉。其山五峯連時名五卽尼山也。顏氏所升之谷草木之葉皆上起所降之谷草木之葉皆下垂。○基按聖母因夫老而私禱以祈子未爲越禮。乃或有謂婦人無專制無獨遊境外之理。必父母同禱者。亦迂甚矣。新安陳氏以爲孔子父禱於尼丘。故孔子名丘字仲尼。演孔圖曰微在遊使請已。已往夢交語曰汝乳必於空桑之中覺則若感生丘於空桑。首類尼丘山故以爲名。○史記曰生而首上圩頂故因名曰丘。○基按孔子以禱尼丘而得各於理爲正演孔圖所云則近誕矣。宋人又有謂先聖初名兵後乃去下二筆。未生時有麒麟吐玉書者。未知所據要皆不足信也。

孔子年譜綱目

三

於闕里其文曰水精之子繼衰周而爲素王顏氏異之以繡紱繫麟之角信宿而去懷姙十一月生於魯昌平鄉陬邑誕生之夕有二龍繞室五老降庭五老者五星之精也顏氏之房聞鈞天之樂空中有聲云天感生聖子故降以和樂之音。伏侯古今註曰孔子生之夕有二蒼龍自天而下有二神女擎香霧於空中以沐微在。○蔡復貴曰五老降庭玉書天樂事不經見先儒皆以爲異疑而不載不知傳說自星生山甫自嶽降古昔賢哲之生皆有瑞應而況天之篤生孔聖乎。張子曰麒麟聖人之生而有以異於人何足推哉。

孔子生有異質

屯四十九表反手注面月角日準河目海口龍顏牛

唇昌顏均頤輔喉駢齒龍形龜脊虎掌胼胝修肱參膺圩頂山臍林背翼臂注頭阜頰堤眉地足谷竅雷聲澤腹修上趨下末僂後耳面如蒙俱手垂過膝耳垂珠庭眉一十二彩目六十四理立如鳳峙坐如龍蹲手握天文足履度字望之如仆就之如升視若營四海躬履謙讓胸有文曰制作定世符身長九尺六寸腰大十圍人皆謂之長人。孝經鉤命訣曰仲尼牛子虎掌是謂威射胸應維是謂儀。○呂氏春秋曰孔子之勁能拓國門之關勇復孟諸足蹠狄兔不以力聞。

孔子年譜綱目

四

索隱曰公羊傳襄公二十一年十一月有一月孔子生也。後序孔子卒云七十二歲每少一歲也。○前編也。按公穀二傳皆謂魯襄公二十一年孔子生而史記獨曰二十二年或謂春秋用夏正史記如秦法然不可攷按襄公二十一年日再食非生聖人之年也。當從史記。○基按孔子惟生於襄公二十一年至哀公十六年乃爲七十三歲。史記所紀正得其實。前編從之是也。而索隱以爲少一歲何耶。若如公羊穀梁傳則自巳酉迄壬戌是七十四歲反多一歲矣。此蓋曉然可見者。而前編乃疑日再食非生聖之年不幾迂耶。又周正建子而春秋每歲首爲春孔子所以有行夏時之論非如商之建丑以十二月爲歲首漢之建亥以十月爲歲首也。索隱謂正月十一月屬明年而前編又疑春秋用夏正之甚耶。

基又按國朝宋濂著孔子生卒歲月精於生年從公年穀梁於生月從穀梁而於卒年從左傳而作其言必有據依又在司馬氏之前故信史不如信傳是固然矣然愚攷之孔子作春秋其褒貶意義不可具書皆口授弟子以傳傳者各異其說丘明恐失其真因經立傳於是素王素臣之目其授端木氏者傳於公羊高子平子地子敢而子壽度素至漢壽乃共弟子胡毋子都筆於書而丘公魯人榮廣王孫皓星公至蔡千秋始顯於漢宣之世夫歷年既久又以口授至漢乃成書以顯寧必無誤而公羊書月已訛亦安在盡可據也且孔子七十三歲生於庚戌卒於壬戌見之諸書者相傳已久今乃謂七十四歲似乎駭聞而蔡復貴因之編歷年事蹟每歲率先一年較諸書獨異愚未敢從也

孔子年譜綱目

五

辛靈王二十二年 襄公二十三年 孔子二歲

壬靈王二十三年 襄公二十四年 孔子三歲父叔梁紇卒

卒

癸靈王二十四年 襄公二十五年 孔子四歲

甲靈王二十五年 襄公二十六年 孔子五歲

乙靈王二十六年 襄公二十七年 孔子六歲爲兒嬉常

陳俎豆設禮容

基按史記及闕里世載此事不著年而宣聖世紀人物攷四書備攷皆繫之六歲不知何據然大約不出此一二年也

丙靈王二十七年 襄公二十八年 孔子七歲入小學

孔子七歲入晏平仲學十一歲才過平仲 蔡復賞曰公二十八年平仲不欲洩慶封討子雅子尾之謀則知平仲之年實長於孔子但平仲乃孔子友也謂入

平仲學者豈爲童子時嘗入平仲所設之鄉學耶又按晏嬰在景公時治東阿名顯諸侯今東阿屬兗州府近聖人之居若此其甚則聖人蒙學

之時其入平仲學也或者其可信歟

丁景王元年 襄公二十九年 孔子八歲

戊景王二年 襄公三十年 孔子九歲

巳景王三年 襄公三十一年 孔子十歲

基按是年鄭子產不毀鄉校孔子以爲仁蓋既長聞是事而退論者歷年事蹟載於此以爲孔子天

孔子年譜綱目

六

縱之聖其善爲說辭非可以少長論然則襄公二十三年孔子論臧武仲之知豈亦二歲時所言乎必不然矣蓋孔子論斷列國君大夫事有與孔子同時者亦有在孔子前大抵出之追述者爲多未可因事在是年強附也故凡此類皆削之

庚景王四年 昭公元年 孔子十一歲

辛景王五年 昭公二年 孔子十二歲

壬景王六年 昭公三年 孔子十三歲

癸景王七年 昭公四年 孔子十四歲

甲景王八年 昭公五年 孔子十五歲志於大學

子曰吾十有五而志於學 歷年事蹟曰古者人生八歲則教以灋掃應對進退

之節五禮六樂五射五御六書九數之文孔子七八歲入蒙學至十五則詩書六藝無不習而通矣故是年遂志於大學之道

乙丑 景王九年 昭公六年 孔子十六歲

丙寅 景王十年 昭公七年 孔子十七歲

基按史記孔子世家於是年書孟僖子病且死誡其子孫以不能相禮為病非病且死也僖子之死既歸而以不能相禮為病非病且死也僖子之死在昭公二十四年此十七年誡二子之事當在彼時左氏特因其不能相禮故終敘之耳馬遷不察而書於是年誤矣闕里志不察而沿馬遷之誤抑又誤矣今攷孔子適周正在僖子卒年而僖子誡二子師孔子事詳見孔子三十四歲故於此創禮於老子則更因誤而誤矣

丁卯 景王十一年 昭公八年 孔子十八歲

戊辰 景王十二年 昭公九年 孔子十九歲娶宋亓官氏

己巳 景王十三年 昭公十年 孔子二十歲初仕於魯為委吏

孔子貧且賤因季平子代立為貧而仕為委吏料曰平孟子曰會計當而已矣

生子鯉

魚之生也魯昭公以鯉魚賜孔子榮君之貺故因以名曰鯉而字伯魚

蔡復實曰圖譜不以為委吏紀於此年非也若謂公何為而臣則匹夫之名不登於仕籍君民禮隔昭此則是年為委吏也明矣

庚午 景王十四年 昭公十一年 孔子二十一歲為乘田吏

養畜蕃息 孟子曰牛羊茁壯長而已矣

基按孔子為委吏乘田史記不著年闕里志及歷年事蹟通鑑綱目則分隸於巳巳庚午二年而人物致四書備攷因之雖未有的據然於事為近歷聘紀年宜聖世紀總繫之生鯉之年者非也至國語又繫之四十九歲總謂孔子為兆於季桓子當在彼時不知孟子所云見行可謂道可大行蓋指為司空司寇言若以委吏乘田當之則淺之乎視仕亦淺之乎窺聖人矣

辛未 景王十五年 昭公十二年 孔子二十二歲始教於闕里

顏回之徒皆受學 基按弟子解云顏繇少孔子六歲及諸弟子年無長於繇者則顏繇年最長而事孔子獨先闕里志所云顏回之徒皆受學當是顏繇之誤蓋繇字與由通或書繇為由因說由為回學者徒見孔子獨稱回為好學而弟子解復以回冠諸子故直以為顏回不疑耳夫繇為回父繇既少孔子六歲則以此時當未生若回果受學於始教則與孔子年相上下又何可以云少孔子三十歲耶然少孔子三十歲之言亦未可據按弟子解云顏回少孔子三十歲三十一早死以年攷之則當生於景王二十四年卒於景王二十九年先伯魚則回之卒後矣又孔子厄於陳死也死有棺而無槨則回之卒後矣又孔子厄於陳蔡在敬王三十一年其時弟子從難者顏回與焉而子西止昭王召孔子之詞亦有輔相有如顏回之語則是其卒不在二十九矣回卒之年既不合經傳

則生年豈足據耶今通鑑綱目及甲子會紀皆謂
同生於敬王六年卒於三十七年其卒也與伯魚之
卒同歲時月之先後或不可知又在楚聘孔子之後
於事不甚整但謂生於敬王六年則孔子時年三十
八是少孔子三十七歲亦與三十之數不合矣王肅
篤信家語亦以此為年數之錯誤乃陋巷志不察而
添思而詳致也

景王十六年 昭公十三年 孔子二十三歲

景王十七年 昭公十四年 孔子二十四歲母顏氏卒

孔子少孤不知父墓史記曰母諱之也○索隱曰微在笄年適於叔梁紇未幾而老死以少寡為嫌不從送葬故不及母卒殯於五父之

衛人之見之者皆以為墓也其慎也蓋殯也有過而

孔子年譜綱目

九

疑焉因問之得於鄆曼父之母然後知之檀弓註曰按孔子三

歲而純死是少孤也然顏氏之死孔子成立久矣聖
人人倫之至豈有終母之世不尋求父墓之地至母
殯而猶不知父墓乎且母死而殯於衛是無室廬而
死於道路者不得已之為耳聖人禮法之宗主而忍
為之乎蓋禮經難出諸子所記將合墓曰古者不祔
其間不可據以為實者多矣

墓為不忍先死者之復見也詩云死則同穴自周公

以來祔墓矣故衛人之祔也離之以有間焉魯人之

祔也合之大夫吾從魯遂合墓於防既墓曰吾聞之

古者墓而不墳今丘也東西南北之人也不可以弗

識也吾見封之若堂者矣又見若防者矣又見覆夏

屋者矣又見若斧形者矣吾從斧者焉於是封之崇

四尺孔子先反虞門人後雨甚至墓崩修之而歸孔

子問焉曰爾來何遲也曰防墓崩孔子不應三云孔

子恣然流涕曰吾聞之古不修墓何孟春曰聖人之

於體魄之藏而為久遠之慮宜無所不致豈有始墓
才封而遇雨遽崩者耶孔子之恣然而云云也其將
自痛自罪乎抑將罪門人乎人情於此豈能自己墓
既崩矣如之何其不修古不修墓之云以古人送終
凡百其不苟也其為墓必完以堅無復事修焉耳豈
有孔子送親之終而不能堅完其墓者耶是故子竊
之疑

基按史記書聖母之卒於十七歲之前或遂以為
十六歲然孔子墓母有門人問答之言則是在設

孔子年譜綱目

十

教以後也又蔡復實曰孔子之為委吏乘田蓋為
祿仕以養其親也若聖母卒於十六歲則祿仕在
所不為矣今從歷聘紀年及闕里志諸書列於此
乃圖譜又疑孔子斯時德猶未立蓋博學不教之
時未必即有門人是以曲禮博

甲 景王十八年 昭公十五年 孔子二十五歲

母喪既練葬年陽虎弔焉私於孔子曰今季氏將大

饗境內之士子聞諸孔子曰丘弗聞也若聞之雖在

衰經亦欲與往陽虎曰子謂不然乎季氏饗士不及

子也陽虎出曾點問曰答之何謂也孔子曰已則衰

服猶應其言示所以不非也史記曰孔子要經季氏饗士孔子與往陽虎絀

曰季氏饗士非敢饗子也孔子由是退○索隱曰衆語孔子之母喪既練而見不非之也今謂孔子實要經與饗爲陽虎所絀則近誣矣

乙亥 景王十九年 昭公十六年 孔子二十六歲

母喪大祥五日彈琴而不成聲十日過禫而成笙歌

禮二十五月而大祥二十七月而禫

丙子 景王二十年 昭公十七年 孔子二十七歲問官於鄉

子

鄉子朝魯公與之宴昭子問焉曰少皞氏以鳥名官

何也鄉子曰吾祖也我知之昔者黃帝氏以雲紀故

孔子年譜綱目

十二

爲雲師而雲名黃帝軒轅氏代神農氏王天下以有雲瑞故以雲紀官春官青雲氏夏官

官黑雲氏秋官白雲氏冬炎帝氏以火紀故爲火師而

火名炎帝姓姜氏代共工氏王天下以有火德故以

冬官爲北火共工氏以水紀故爲水師而水名共工

中官爲中火共工氏以水紀故爲水師而水名共工

回以諸侯稱保冀方自謂水德故以水紀官春官爲

東水夏官爲南水秋官爲西水冬官爲北水中官爲

水太皞氏以龍紀故爲龍師而龍名太皞伏羲氏以

有龍馬負圖出河之瑞故以龍紀官春官爲青龍氏

官爲赤龍秋官爲白龍冬官爲黑龍中官爲黃龍又

命朱襄爲飛龍氏造書契吳英爲潛龍氏造甲曆大

庭爲居龍氏治屋廬混沌爲降龍氏驅民害陰康爲

上龍氏治田里樂陸爲水我高祖少皞皞之立也風

鳥適至故紀於鳥爲鳥師而鳥名鳳鳥氏歷正也玄

鳥氏司分者也伯趙氏司至者也青鳥氏司啓者也

丹鳥氏司閉者也四司皆歷正之屬官祝鳩氏司徒也主教

鳩氏司馬也主法鳴鳩氏司空也主水爽鳩氏司寇

也主盜鵲鳩氏司事也主營五鳩鳩民者也五雉爲

五工正利器用正度量夷民者也東方鵲鳩雉攻木

之工南方翟鳩雉攻金之工北方鷦鷯雉攻木

攻皮之工伊洛翟鳩雉五色之工九扈爲九農正

扈民無淫者也春扈鵲鳩起耕者夏扈鷽起耘者

秋扈鷽起收斂者冬扈鷽起藏者

行扈鷽起爲民畫驅鳥者宵扈鷽責爲農夜驅獸者

孔子年譜綱目

老扈鷽鷽起自顓頊以來不能紀遠乃紀於近爲民

師而命以民事則不能故也顓頊高陽氏以水德王

民命官以重爲木正曰勾芒該爲金正曰蓐收修熙

相代爲水正曰玄冥黎爲火正曰祝融勾龍爲土正

曰后孔子聞之見於鄉子而學之既而告人曰吾聞

之天子失官學在四夷猶信玉肅曰孔子野天子失

學也鄭少昊之後以其世則遠矣以其國則小矣魯

周公之後以其世則近矣以其國則大矣然其知禮

不若鄉子故孔子發此言

基按孔子問官於鄉子而學之原非兩事亦無異

時乃闕里志則於本年書鄉子之語於明年書孔

子之學而人物攷及四書備攷又於本年書問官

於明年書問禮是一事而二之也且鄉子來問亦

無越歲不歸之理其失審矣故但謂問官於本年
又歷年事蹟云是年適宋適杞適鄭歷聘紀年又
云是年適陳然
不可致今闕之

丁丑景王二十一年 昭公十八年 孔子二十八歲

基按歷年事蹟又書是年孔子之郊學禮蓋附家
語有孔子之郊塗遇程子之事而附會者今闕之

戊寅景王二十二年 昭公十九年 孔子二十九歲適晉學

琴於師襄

聞師襄善琴往學焉師襄曰吾雖以擊磬爲官然能
於琴今子於琴已習可以益矣孔子曰丘未得其數

也有間曰已習其數可以益矣孔子曰丘未得其志

孔子年譜綱目

十三

也有間曰已習其志可以益矣孔子曰丘未得其爲

人也有間孔子有所繆然思焉有所畢然高望而遠

眺曰丘迨得其爲人矣近黯而黑頽而長曠如望平

庵有四方非文王其孰能爲此師襄避席葉拱而對

曰子聖人也其傳曰文王操韓詩外傳此後有云師襄曰敢問何以知其文

王之操也孔子曰然夫仁者好偉和者好粉智者好

彈有殷勤之意者好麗丘是以知文王之操也○孔

叢子曰孔子晝息於室而鼓琴焉閑于自外聞之以

告曾子曰嚮也夫子之音清微以和淪入至道今也

更爲幽沉之聲幽則利欲之所爲發沉則貪得之所

爲施夫子何所感而若是乎吾從子入而問焉曾子

曰諾二子入問夫子夫子曰然女言是也吾有之向

見錯方取鼠欲其得之故爲之音也女二人者就議

諸曾子對曰問子夫
子曰可與聽音矣

四書前致日史記載學琴於去魯之後非
也歷聘紀年記此於二十九歲庶幾近之

巴卯景王二十三年 昭公二十年 孔子三十歲齊侯來問

政

齊景公與晏嬰狩因入魯舍於公館使晏嬰迎孔子

孔子至景公問政焉孔子答曰政在節財公說他日

以此問孔子孔子曰齊君爲國奢乎臺榭淫乎苑囿

五官伎樂不解於時一旦而賜人以十乘之家者二

故曰政在節財詩不云乎喪亂蔑資莫又問曰秦穆

惠我師此傷奢侈不節以爲亂者也又問曰秦穆

公國小處僻而霸何也孔子曰其國雖小其志大其

處雖僻而其政中其舉也果其謀也和法無私而令

不偷首舉五穀爵之大夫與語三日而授之以政以

此取之雖王可也其霸小矣公曰善哉○衛齊豹殺

靈公之兄公孟縶及宗魯初齊豹見宗魯於公孟爲

邑豹將作亂以告宗魯宗魯曰子行事乎吾將死之

以周事子而歸死於公孟其可也於是豹伏甲於門

斷肱以中公孟之肩皆殺之琴張聞宗魯死將往弔

之孔子曰齊豹之盜而孟縶之賊女何弔焉君子不

食姦不受亂不爲利疚於回不以回待人不蓋不義

不犯非禮女何弔焉琴張乃止○鄭子產卒孔子聞

之出涕曰古之遺愛也

基按家語明言景公求適魯迎孔子而問政乃也
記於孔子世家則但書秦穆一段而移節財之對
於適齊之後而人物攷因之於魯世家齊世家則
又但書問禮而略其詞而通鑑綱目因之夫事本
於家語而彼此互異不知何說若關
里志則並此事不載更不知何說也

庚辰景王二十四年 昭公二十一年 孔子三十一歲

基按關里志於是年書景公遣使來聘孔子適齊
明年書孔子辭廉丘之養致歷聘紀年諸書適齊
在魯亂之後則知此書適齊者誤也今關之
適齊之後則知此書適齊者誤也今關之

辛巳景王二十五年 昭公二十二年 孔子三十二歲

壬午敬王元年 昭公二十三年 孔子三十三歲

孔子年譜綱目 十五

癸未敬王二年 昭公二十四年 孔子三十四歲適周問禮

於老聃

孟僖子病且死誠其嗣懿子與南宮敬叔師事孔子

以學禮 初孟僖子相昭公以如楚歸病不能相禮乃
使事之而學禮焉以定其位孔子曰能補過者君子
也詩云君子是則是效孟僖子可則微矣懲已所病
以誨其嗣大雅所謂貽厥 孔子謂南宮敬叔曰吾聞
孫謀以燕翼子是類也夫 孔子謂南宮敬叔曰吾聞

老聃博古知今通禮樂之原明道德之歸則吾師也

今將往矣 莊子曰孔子西藏書於周室子路謀曰由

欲藏書則試往因焉孔子曰對曰謹受命遂言於昭
善性見老聃而老聃不許

公曰臣受先臣之命云孔子聖人之後也滅於宋其

祖弗父何始有國而投厲公及正考父佐戴武宣三

命茲益恭故其鼎銘曰一命而僂再命而偃三命而

俯循墻而走亦莫余敢侮餽於是粥於是是以糊余口

其恭儉也若此臧孫紇有言聖人之後若不當世則

必有明君而達者焉孔子少而好禮其將在矣屬臣

曰汝必師之今孔子將適周觀先王之遺制攷禮樂

之所極斯大業也君盍以乘資之臣請與往公曰諾

與孔子車一乘馬二匹豎子侍御與敬叔俱至周

孔子年譜綱目

十六

伯常竊問道孔子曰剛者必折動者數傷僂 問禮於

老聃 老聃曰子來乎吾聞子北方之賢者也子亦得

之度數五年而未得也老子曰又惡乎求之哉曰求之

陰陽十有二年而未得也老子曰然使道而可獻則

人莫不獻之於其君使道而可進則人莫不進之於

其親使道而可以告人則人莫不告其兄弟使道而

可以與人則人莫不與其子孫其不可者無他中也

無主而不立外無正而不行由中出者不受於外聖

人見老聃而問禮焉老聃曰子所言者其人不與骨皆
復見老聃而問禮焉老聃曰子所言者其人不與骨皆
已朽矣獨其言在耳且君子得其時則駕不得其時
則蓬累而行吾聞之良賈深藏若虛君子盛德容貌
若愚去子之驕氣與多欲態色與淫志是訪樂於其
皆無益於子之身吾所以告子若此而已 訪樂於其
弘孔子見長弘言終退長弘私謂劉文公曰吾觀仲